



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Angelis Actibvs humanis, & Legibus

Vindalium, 1646

Sect. II. An promulgatio, & acceptatio sit necessaria.

urn:nbn:de:hbz:466:1-38834

lex firmitatem, & vim obligandi habeat, legitimi superioris authoritas, & imperium accedere debet. Vnde leges à Platone conscriptæ, non habent propriè rationem, & viam legum, nisi ab aliqua republica approbatæ, & constitutæ sint.

Neque refert 2. quod non raro ij qui præsunt multitudini, careant scientia, & prudentia, ad leges ritè stabiliendas, requisita: hinc enim non sequitur, eos careze potestate necessaria ad leges statuendas, sed tantum illos non debere tali potestate vti, quin prius viros prudentes, rerumque gerendarum peritia instructos, ea de re consuluerint.

SECTIO II.

*An promulgatio & acceptatio sit
necessaria.*

CONCLVSI O I.

Romulgatio spectat ad rationem legis.) Ita docet S. Thomas eadem quæst. art. 4, & probat, quia lex aliis imponitur per modum regulæ, & mensuræ: et regula & mensura imponitur per hoc,

quòd in eorum notitiam deducitur , per promulgationem: quare promulgatio necessaria est, vt lex vim obligandi habeat. Confirmatur , quia cùm voluntas non possit ferri in incognitum, sequeretur homines obligari ad impossibile , si tene- rentur legem seruare , ante sufficien- tem illius promulgationem.

Vbi aduertendum est 1. ex probabili- ri sententia , promulgationem ipsam esse de essentia legis , quia vt suprà diximus, de essentia legis est , vt subditos obliget ad opus aliquod exequendum, vel omit- tendum; obligare autem nequit , nisi sit promulgata.

Aduertendum 2. quòd sicut præcepta particularia non obligant , nisi priuatim patefiant; ita neque leges, quæ sunt statuta quædam publica , seu ad communita- tem spectantia, nisi publicè innotescant. Vnde si quis priuata scientia cognosce- ret, legem aliquam statutam esse, non te- neretur eam obseruare , si nondum esset promulgata.

Aduertendum. 3. vt lex obliget , non requiri quod singulis in particulari fue- rit promulgata , aut in notitiam eorum vene- rit: est enim lex regula quædā publi- ca, & vniuersalis quā satis est vniuersaliter

omnibus proponi. & per accidēs est, quòd, in notitiam singulorum non veniat. Unde etiam constat, non opus esse, ut legis promulgatio fiat in singulis locis, sed satis esse, si fiat in celebrioribus; cùm inde facilè in omnium notitiam venire possit.

Aduertendum 4. legem naturalem promulgari ex S. Thoma art. citato ad i. ex hoc ipso quòd Deus eam mentibus hominum inseruit, naturaliter cognoscendam. Quod ita potest intelligi, ut in creatione hominis, lex naturalis sit ei promulgata, quoad habitum; quoad actū verò, quando primū vtitur ratione: tunc per naturalem synderesim incipit cognoscere, quid agendum, quid non agendum sit.

Porrò ex omnibus huc usque tractatis, S. Doctor prædicto art. 4. hanc legis definitionem colligit. Lex est ordinatio rationis, ad bonum commune, ab eo qui curam communitatis habet, promulgata; cuius omnes particulae, iuxta iam traditas conclusiones, intelligi debent.

C O N C L V S I O V . Ad valorem, & obligationem legis canonice, aut ciuilis, acceptatio populi non est necessaria.) Prior pars probatur, quia cùm Pontifex non accipiat à populo potestatem liga-

dī, atque soluendi per leges, sed imme-
diatē à Christo, nulla ratio est cur pute-
mus, eum non posse legem aliquam sta-
tuere, nisi dependenter à voluntate & ap-
probatione populi. Confirmatur, nam
iuridica illa potestas approbandi leges
canonicas, non residet in populo ex iure
naturæ, aut ex speciali concessione Dei,
ut notum est: at neque ex voluntate
Pontificis, cùm fundamento careat, quod
aliqui dicunt, Pontificem non condere
legem, nisi sub illa conditione, si populo
placuerit. Ergo dicendum est, in Ponti-
fice esse potestatem constituendi leges
Ecclesiasticas, antecedenter ad consensum
populi: ita ut de facto tales leges obli-
gent, et si fideles eas non approbent, imò
licet iis obedire renuant.

Vnde collige, eum per se loquendo
peccare, qui tempore præscripto legem
Pontificiam non seruat, eò quod nondum
à populo receptam esse videt. Dico, per
se loquendo: nam si, verbi causa, lex sta-
tuta sine gravi difficultate obseruari non
possit, non erit peccatum, contra illam a-
gere, donec constet eam à Pontifice, trā-
lis difficultatis minimè ignaro latā esse:
qui interim cum fundamento præsumi
potest, eum non intendisse subditos obli-
gare, cum tanto eorum incommodo.

Dices, nonne non usus, seu desuetudo, vim habet abrogandi legem, etiam canonican? Ergo ut non teneantur particulares eam obseruare, sufficit quod recepta non sit. Respondeo non sequi: nam aliud est quod quo primum tempore vult Pontifex, ut lex seruetur, liceat eam non seruare si a populo tunc acceptata non sit: aliud, quod si lex Pontificia a populo nunquam fuit acceptata, & talis non acceptatio tanto tempore duret, quantum requiritur ut desuetudo legitimè prescripta censeatur tunc fas sit ei non obediens. Quare etsi hoc posterius verum sit, non tamen prius illud verum esse censendum est.

Posterior pars suadetur, quia cum Princeps habeat potestatem absolutam condendi leges, quo titulo dici potest, leges ab eo decretas non valere, sine consensu populii? Quod enim potestatem illam ab ipso populo accepit, hoc nihil refert: si quidem non eam accepit cum ea limitatione, ut non posset leges statuere, dissentiente populo, alias non ipse esset Princeps supremus, ut supponimus, sed populum secum conregnantem habaret. Cum ergo potestatem habeat absolutam, potest leges condere, quae obligationem induant: siue subdit i consentiant, siue non.

Confirmatur, nam experientia constat Imperatores, & Reges etsi pios, & Catholicos pœnarum impositione cogere sibi subditos, ad acceptationem & obseruantiam legum suarum: quis autem eiusmodi consuetudinem, tanquam malam damnare audeat? At certè esset mala, si legum firmitas & obligatio nulla esset, sine acceptatione & consensu populi: Ut summum enim posset Princeps cogere ad obseruantiam legum, postquam a subditis acceptatae essent.

Vnde sequitur eos peccare, qui primi legem à Principe statutam, sine causa legitima, transgrediuntur: quod verum existimo, etiam si Princeps transgressionem sciat; nec puniat: cùm enim ad talem cognitionem supponatur transgressio, hæc ab illa honestari non potest. Dico, sine causa legitima: nam si legis latè obseruatio sit valde grauis, aut receptæ consuetudini repugnans, prudenter presumi potest. Principem non intendere, ut eo casu obliget, donec mentem suam apertius declaret, ut ante dictum est.